



Vita de ploania y de paisc

- **Iolan y Dio s'al páii de Ostes ofertes:** oferta de Carsema (Vendres Sanc) 4.534,36 €, oferta por i seminars (31.03) 208,16 €, oferta por le fonds de solidarieté por le clerus (28.04) 168,62 €.
- **Joneza da Paur:** la Joneza da Paur d'La Pli envieia d'c der bel so bal en **sabeda ai 18 de ma** ales 21:00 te Ciasa dle Uniuns. S'aspetun en trec.



enformaziuns y termins

Oraziun da Taizé: en vendres ai 17 de merz ales 20:00 vegnel tigní tla capela a Oies na oraziun de Taizé. D'c é der bel enviés a tó pert.

Ciasa de Palsa: l'aministrazion dla Ciasa de Palsa Ojöp Freinademetz forma na graduatoria por ejams por les cöstes enciaries a tomp determiné: personal a puzené cualifiché/inserviont (2^a cualifica funzionala).

Condiziuns d'azes: lizonza de scora elementara o concluiun dla scora d'oblianza, zertificat de trilinguism D/A2.

Al pó tó pert aspiranc/antes dal grup linguistich ladin. La graduatoria formada ará la dörada de 1 en n'ann. l/les aspiranc/antes messará dé dant plü avisa tla domanda de ester diponibili/es por enciaries a tomp determiné (de cörta durada) a tomp plen y/o parzial 76,32 %. Les domandes sön le formular arjigné ca aposta (da descarié dla plata internet www.ciasadepalsa.it) o sön cherta scëmpla adöm ai documonc damanés, messará gní dades jö te scretariat dla Ciasa de Palsa anter les 12:00 dai 31 de ma. D'atres enformaziuns é da ciafé te scretariat, ☎ 0474 524700.

Sorvisc ai Jogn: le SaJ pita dai 22 de ma ennant en sorvisc de consulenza y orientamont por jogn, jones y geniturs sön temesc co reverda la joneza y l'educaziun. Orar: vigne 2° y 4° dedemesaledema dal mens dales 09:30 ales 11:30 tal Zenter Pedagogich a Picolin y vigne 2° y 4° vendres dal mens tal ufize dal Zenter dla joneza y dla cultura SaJ.un a La lla dales 13:00 ales 15:00. Al ne va nia debojügn da se penoté y la consulenza é debann. Por enformaziuns: ✉ barbara@jogn.org o ☎ 342 8410721.

Comun de Mareo: le Comun chir endô porsones co sta ete Fodara Masaronn pa la sbarra dal parch natural. La domanda é da dé jö anter i 21 de ma te Comun.

Ester oma é na storia d'amur co ne se röa mai.

Döt le bun a:	Irma Daporta Barth, Graz	* 13.05.1923
	Robert Kehrer	* 13.05.1944
	Giovanni Nepomuk Agostini, Valsperch	* 15.05.1932
	sr. Angelica Daverda, Legnano	* 17.05.1930
	Milio Winkler	* 17.05.1933
	Jan Brandlechner	* 18.05.1933
	y a d'c chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania

La Pli de Mareo

Santa Maria dal Bun Consei

Ploian: Signor Heinrich Perathoner
 E-mail: ploania@gmx.net

Calogna Al Plan: 0474 501006
 Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann C

12.05.2019 - Cuarta domegna de Pasca

n. 24

Iu sun le bun famei. I conesci i mi, y i mi mo conesc me. Alleluia!

☞ St.Ap 13, 14.43b–52 | Rev 7, 9.14b–17 | Jan 10, 27–30

Dal Vangelo do San Jan:

Te chel tomp á Gejú dit: ²⁷Mies biesces ascuta mia usc; iu les conesci y ares me ven do. ²⁸Iu ti dá vita eterna. Ares ne jará mai ademal y degügn ne m'les straciará fora de mia man. ²⁹Mio Pere, co mles á dé, é plü gran co d'c, y degügn n'é bogh da ti les stracé fora dla man a mio Pere. ³⁰Iu y le Pere sun na cossa sora.

Oraziun dal de

*Periun! Dio onipotent y etern, to Fi ti é jü da bun famei vitorius danfora ala Dlijia: condüj ince le pastorec, por chel ch'al á dé sôa vita, fora de vigne meseria ala ligreza eterna.
 Do cösc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por d'c i secui dai secui. – Amen.*

(Lezionar C)



☞ Letöres dla Cuinta domegna de Pasca:

St.Ap 14, 21b–27 | Rev 21, 1–5a | Jan 13, 31–33a.34–35

Edema liturgica dai 12.05. ai 19.05.2019

DOM 12.	Cuarta domegna de Pasca De mondial d'oraziun por les vocaziuns FESTA DLA PRÖMA SANTA COMEGNUN De dla Oma	<i>Pancrazius, Nereus y Achilleus, Imelda</i>
→ 09:00	i acompagnun les 2 mitans y i 5 mituns dla Pröma Santa Comegnun da paiun te dljia, gran messa de rengraziamont y en onú dai Angeli Custodi ♪ scolari	
→ 14:00	prozesciun da San Linert a Oies por perié do vocaziuns	
Lön 13.	<i>memoria de Santa Maria da Fatima, Servaz</i>	
19:30	funziun de ma por les families con l'Uniun dles Eres	
Ded 14.	<i>Bonifaz, (Matia apostul)</i>	
07:30	s.m. por †† Kehrer, Costamesana s.m. por † Maria Rubatscher ved. Crazzolara, La Sala	
Dem 15.	<i>Sofia, Sonia, Isidor, Friedrich</i>	
→	de d'oraziun te familia	
Jöb 16.	<i>Johannes Nepomuck, Ubaldo, Adolf</i>	
19:30	s.m. por †† dal Hammerle s.m. de rengraziamont en onú de Santa Maria por fam. Pire y Maria Ritsch, Tomele da Rara	
Ven 17.	<i>Dietmar, Walter</i>	
07:10	<i>s.m. a Al Plan</i>	
Sab 18.	<i>Jan I., Burkhard, Felix, Erich</i>	
07:30	s.m. por † Matthias Ellemunter, dal Pinter/Sexten s.m. de rengraziamont dlla fam. Silvester y Angelica Ellecosta	
10:30	s.m. de rengraziamont por i 50 de matrimone por fam. Angelo y Paola Maneschg, La Costa dessot	
DOM 19.	Cuinta domegna de Pasca	<i>Ivo, Zelestin V., Cuno</i>
08:30	gran messa por döta la ploania	<i>oferta por i debojügn dla ploania</i>
14:00	a Longega funziun dal Bato de Emma Ellecosta	
10:00	<i>s.m. a Al Plan</i>	
<i>ampola:</i>	por fam. Angelo y Paola Maneschg	
<i>ministronc:</i>	▶ da doman y domegna: Noemi C. y Matteo ▶ da sera y domegna: Alessia y Nadia F.	
<i>i recordun:</i>	Ida Peslalz Magrotti, Balsan	+ 15.05.2010
	Marianna Erlacher ved. Pedevilla, Al Plan	+ 18.05.2017



Sistem straordinar cuntra la rapina (Jan 10, 27–30)

I ponsi do

*Gejú se tin toch, con
n lian che nia y
degügn podará
scarzé: al é le lian de
n amur sterch co á
davagné la mort y
supereia dötes les
divijiuns.
I podun s'an jí demez
da Gejú, magari fá
finta, da gragn, da
n'avei gnanca
conesciü so ennom.
Mo cösc ne podará
nia tigní sö le Signur
da s'orei bun y da se
tigní liés pa d'el.*

I preii ensciö

Che mineste pa ince co ôi mo tó, Signur? I ne sun nia emportant, i n'á degünes richezes che zacai podess mo envidié. State ma saorí, pa me n'él degün prigo che zacai mo toli o mo secuestreii. Mo empó, sc'i ponsi do plü avisa, empü de val vali ince iu. I á cinamai la scincunda plü grana; i sun to fi y ierpadú de to regn, chel ô dí n ... "pezzo grosso"! Magari podess zacai mo secuestré. I á capí! Al é zacai co ó mo trá danciará da te, co ó mo ensigné da mo desmoncé de te pornanche i sun plü gran, magari belo atira do la cerjima. Ai mo ensegna da m'ascogne y da sciampé da töa amicizia. Ah, poa, caro Gejú, i sun al prigo da gní porté demez, y tö as en bel laur da ciaré de nos düc. Ma töa parora mo da sügherté. Te mo tignes toch, t'as n sistem straordinar cuntra la rapina: al á ennom amur. Tachele ete toch pa mio cör, porciodi ch'i n'ò nia sciampé da te.



I periun do vocaziuns

Gejú, tö bun famei, endespra te dötes les ploanies vocaziuns da prei, diacons, porsones de convont, miscionars y laics co se dá da fá, aladò dai debojügn de döt le monn, a chel che tö i os bun y che tö os salvé. Cherieia danter nos le tlima de fede dai pröms cristians, por ch'i podunse ester n cenacolo d'oraziun, arjigné a tó sö le Spirit Sant con söes scincundes. Stái dlungia a nüsc fameis y a dötes les porsones co é consacrades a n sorvisc tla dljia. Oj töa odlada d'amur sön i trec jogn de bona orenté y cherdi a te gní do. Deidi capí che ai pó ma se realisé deplen te te. Amen.

San Jan Paul II Papa



Rengraziamont do la Comegnun



Tan encontont/a ch'i sun, sen che tö es con me, oh Gejú. I te diji iolan de cör, che t'es gnü a mo ciagé y che te t'as sinché te enstes a me. Iu ince mo scinchi döt a te, con döt mio cör, con döt mio amur. I gnará gonot a te ciagé te dljia y a te tó sö tla Santa Comegnun. I ô ester pros/sa y sonzier/a, i proará da vire dagnora do töa santa orenté y ne te lasciará mai jí demez da me. Fá che vigne Comegnun sii desco la pröma, desco chera da encö.

Y sen ôi te perié por düc chi co m'ò bun: por i geniturs, por i fredesc y les sorus, por chi co m'á fat dal ben, por le papa, le vesco y i prei, por döta la comunité de cösc paisc y por la santa Dljia. I te preii: dáí la pêsc a döt le monn; porti confort ai amarés, salva chi co é da mori, convertesc i piciadus, dáí le pan a chi co patesc la fan y condüj düc canc a paraisc. Amen.

da "Laldun le Signur"